

紀載彙編


四
終

過瀆志
金壇獄案
辛丑紀聞

上下



| | | | | | | | | | |
|-------|--|---|---|---|---|---|---|---|---|
| 漢書門 | | 八 | 八 | 八 | 八 | 八 | 八 | 八 | 八 |
| 類號函架冊 | | 五 | 九 | 五 | 九 | 五 | 九 | 五 | 九 |

| | | | |
|------|---|------|-----|
| 內閣文庫 | | 庫文閣內 | |
| 番號 | 漢 | 286 | 191 |
| 冊數 | | 4 | (4) |
| 函號 | | 286 | 191 |



過墟志序

昌黎傳坊者王承福述其言曰吾入富貴之家有一至者又往過則爲墟有再至三至者又往過則爲墟蓋豐悴去來盈虛倚伏是乃天道又况積不善之家尤招禍速而報不爽哉余祖塋在七浦塘歲時祭掃舟行過大橋見黃氏所居周遭皆石砌屹如堅城岑樓門角邃室鉤心遠望有葱蔚氣象不數年而化爲焦土又數年而爲勢家塋兆地今且松籟如怒濤聲矣余與坊者相隔七八百年而過墟生感此情若合一契歲癸丑張媪以年老北歸余側室吳與張爲中表姊妹張時過余舍爲縷述黃顛末且舉其手



過墟志序

一

錄一册示余曰。此劉母女兄弟平日往來筆札稿也。於是
拮據舊聞。綴以張媪所述。敷衍成文。名曰過墟志。嗟乎。今
之趨利如鶩者。亦可爲殷鑒也已。然亮不撫七。則劉不撫
亮。不妻劉。則七不至。此中有天道焉。高明之家。鬼瞰其室。
非一朝一夕之故。彼三秀者。天特假其才貌。以變置黃氏
資財耳。厥基既覆。旋擢儲嬪。卒且慶毓螽斯。寵榮錫命。又
曷嘗以妖冶傾人之國也哉。

康熙歲次丙辰仲秋既望。墅西逸叟書於坐忘軒。

蓬池山人跋

嘉慶丙辰從友人處見錫山錢嘯樓亦欲編彙鈔所見
聞有任陽紀事四葉略載黃劉顛末因假閱未終而嘯
樓遽來取去今歲夏五月晤棣菴吳丈譚及曩所見過
墟志上卷載黃亮功事下卷記直塘錢氏事於康熙戊
子冬太倉錢寶通海寇餘孽奉爲永興年號糾合諸人
錢某與焉事敗錢某全一念和尚遁入海至高麗而直
塘錢姓以叛黨籍沒矣記憶未能了了今第見上卷鈔
本而分爲二卷非全書也天暮未繼燭不及細詢并假
閱也心殊耿耿九月廿八日過冰玉居士書齋得覩是

冊因假閱旬餘始知嘯樓所鈔多遺漏有大同小異者而劉氏在亮功家已有一女二子蓋傳聞異詞至於歸旂後事又不若是冊之詳悉也第二十葉首兩行闕數字閱東華錄參校乃貝勒博洛也滿洲貝勒貝子在王下公上故塞思黑封貝子已稱九王爺順治二年豫王下江南奏令貝勒博洛平兩浙降潞王四年復命博洛爲征南大將軍討浙閩卽是冊所云浙西民叛時也時豫王早已班師入京輔政旋以痘症薨年三十有六而博洛於六年掛定西印從睿王討姜瓖晉爵端重親王志云 內召當在是歲前劉氏年三十五以序所云張

媪南歸在於康熙癸丑證之想劉至是始薨年六十矣至於墊租之腳米食物之糟鴨瑣悉備資考證皆嘯樓鈔本所闕也若錢沈塋已登仕籍或其族人從逆而株連或竟如石門無黨皆未可知容再訪諸博雅者果泉氏偶識

丑
張江黃岐石門無虞皆未可收容再請射擊果見
檢本汛關出寺發火望与登封縣近其地人資運而林
至放壁卧之暇米食味之鮮甜能悉前資米薪皆散外
歐南諶奇仗夷照蔡正靈之懸隱至具飲讓年六十矣

過墟志卷上

任陽爲虞邑之極東南境地窪民貧而黃氏獨以資財雄
鄉里居大橋世謂之大橋黃家余及見者曰黃亮功自伊
父積資起家不置田產專以權子母爲業蓋見中原多故
增餉增役累也亮乃家法尤樂不疲歲固粟以千計豆麥
花布稱是崇禎間吳中水旱頻仍米價騰貴亮邀取重利
朱提成錠窖藏之青蚨成貫櫃藏之零星者必鎔成錠積
成貫槩貯藏而乃快爰是積資鉅萬而家益富亮爲人陰
柔外若温厚無稜角中實機深多詐性尤吝處置家事節
縮若寒士屑屑謀朝夕其父嘗令亮循輸粟例爲護身符

亮感額曰。爹直欲兒作枵腹監生耶。每用一錢。輒沉吟良久。得已。仍貯之囊。其素性也。家多權量。式同而用異。視出入而盈縮之。未嘗用銀錢。凡與人貿易。盡以折色昂其價。但有釐毫利。卽喜。邑中牙儉陳氏婦喪夫。欲他適。亮聞其挾重貲欲娶之。父曰。嫠也。里中請婚者多。何必是。亮曰。彼以賄遷。是足欲也。遂娶之。得貲五百金。已而變其房產。又得四百金。陳善操家。勤紡織。亮得其仗助。家業日熾。已二十餘年。終嫌其貌不揚。心常怏怏。間加惡聲。陳有弟。歲時或備果榼來視姊。亮疑曰。是欲希我津貼也。因語陳曰。汝弟至戚。時來視汝。意固善。但我昨至左廂。見其與某婢戲。

此何理也。吾家範素謹。而容此輕薄子乎。陳心知其誣。而微會其意。遂屬弟勿再至。自是親串中無一人告貸于黃者。後陳病瘵死。亮薄葬之。蓋吝已財而陋彼貌也。時亮年四十餘。謀繼娶。于是有議姻劉氏一事。而造物變置之巧。機伏矣。劉氏者。亦居任陽。去黃三里而近。世業儒。家雖落名楣也。其伯曰廣。虞邑諸生。守正不阿。端人也。其仲曰肇。周狡黠嗜利險人也。有季妹。生之夕。其母見紫氣繞室。經時不散。六歲母死。卽日粧束能修容。父教之書。過目了了。捉筆作楷。秀雅可人。學爲筆札。亦朗朗成章。十歲父又死。倚兩嫂以居。雖處女而摒擋家政如健夫持門戶也。性高

抗不肯作心。心倪倪態。遇難處事。一言立斷。動中情理。兩
兄亦善視之。甫垂髫。嬌艷驚人。面方正潔白如脂。微紅勻
碧。若含露桃花。鳳目曼耳。眉疏秀而長。額光可鑑。方頰微
櫛。通體長短停勻。襪履不盈四寸。蹀躞容與。真國色也。亮
之父執曰。郁士英者。繩劉於亮。亮心艷之。謂郁曰。果字我
禮金多寡不計。事成當厚以報媒者。郁乃言之於劉。仲仲
曰。吾兄素迂闊。萬無從意。此事我能曲成。但我非媒妁。而
杯酒不沾唇。得無於心不甘乎。郁述之於亮。欲以二百金
爲聘。四十金爲仲壽。仲大喜。乘間言於伯曰。三季小妹。行
年十四矣。凡求婚者。非生庚不合。卽卜兆不從意者。良緣

自有在焉。頃郁髯來云。黃某與讌。偶語及內助。事問吾妹
可乎。不可。伯默然。頃又言於伯曰。事固有不可執者。憶吾
母彌留時。執妹手。顧吾父及吾兄弟而言曰。此女吾所愛。
俟其長。務擇家事勝吾家者嫁之。無與寒士。寒士能自奮
青雲。爲妻孥福者。世有幾人。但願其安享素封。不至朝夕
碌碌。井臼傍。吾目瞑矣。今吾母雖終。言猶在耳。吾兄弟豈
忍忘於心。前所云黃某者。積資數萬。倉庾如櫛。棟宇連雲。
欲得妹爲內主。母若在。必諾無疑也。伯作色曰。不然。吾若
在一聞是言。必唾其面。彼之先陳氏奴也。本姓王。背主而
逃。易王爲黃。居于崑之石浦。至彼祖曰元甫者。復歸虞家。

塘市。元母爲邑勢官乳媪。宦田三千畝。在吾鄉。以媪故。委元課租。元恃主威。禾未登場。輒駕帳船。叫囂鄉里。鷄犬不安。農人苦之。衆議畝出斗粟。勞之名曰腳步錢。元於主人正犒外。復蝕其十之三。詭言農欠。以充己橐。遂以殷實起家。彼之積資累萬者。非由躬稼穡。親服賈。勤苦中得。乃敲人骨。吸人髓。歛怨兩世而積也。彼父洪尤凶暴。恃其拳勇。酗酒漁色。鄉人目爲黃二。傷司謂觸之禍立至也。常悅一佃女。假其父錢。而不責償。閱三年。權其子母。已逾倍蓰。乃攫其女爲妾。不久而愛弛。轉鬻于粵商。得白鏹二十金。有成言矣。女聞而縊。莫敢誰何。此固鄉里中所共知共聞。莫

能掩其醜惡者也。洪雖富甲塘市。而市之衣冠中人。從未與接一揖。交一談。洪自知不容於士類。乃大營宅地於吾鄉。爲夜郎自大計。沒主田數畝爲基地。高開厚垣。樓房盤亘。其廳亭壯麗。擬嚴文靖相國家規制。役佃民爲傭作。經年落成。一鄉苦之。至今過其地。望其居者。莫不切齒寒心。比之郿塢。勢官死。子弟皆紈袴。不問生產。田皆四分五裂。盡授他姓。洪欺其無主。昂其價。侵匿其半。所獲復不貲。自是始不與課租事。鮮衣華履。出入隨童僕。爲鄉里中鉅富翁。席必首座。稱必丈人行。識者見而恥之。廢紳某欲釀千金謀復官。遣門客致洪。適同會者皆邑中鉅老。聞之譁然。

乃還洪銀。擯弗與同列。吾同學友汝南周氏。作醜奴兒令。一闕譏之。有何物催頭。持了精鏐。便想烏紗隊裏遊。句一時傳笑。以爲美談。此又合邑中所共見共聞。莫能掩其醜惡者也。今亮之爲人。比之祖父。稍爲斂跡。然計升斗。權分毫。刻剝窮民。專圖利己。祖孫父子。是真一氣虎兒狼種。豈我族類。若貪其富而降我門楣。與彼婚媾。何以見先人于地下。昔王源嫁女於富陽滿氏。東海王源嫁女于滿氏。沈約作彈章奏之事。見昭明文選。貽臭千古。柰何踵其故轍哉。况妹年十四。彼已四十有餘。獨不爲妹計乎。易曰。見金夫。不有躬。無乃爲鄉黨所竊笑。仲知言不能入。爲之意索者。累日。亮偵知事不諧。屢邀

郁與謀。往返數四。仲亦無以應。無何。伯應幕徵。往山左。中途寄仲書。言至維揚。見婚嫁者。絡繹道路。詢其故。緣訛傳朝廷遣中使。至江浙採民間女。此信至吳中。亦必擾擾。然訛言耳。萬無此事。不可輕信。妹終身事。慎勿因此輕率。與人。仲得書。大喜曰。四十金入吾囊中矣。因招郁。令爲黃。曰。姻事吾能主之。須無食前言。乃可。黃卽諾。擇日納采。乃縮其二百之數而半之。復折其二。縮其四十之數而半之。復折其四。且令郁剖而中分之。曰。柯儀固總函也。仲愠甚。心知爲亮所賣。而口不敢言。先是仲得兄書。詭荅云。兄書未到。吾邑已盛傳中使採女之事。里人不擇人而婚嫁者不

下數百家。司里忽來家索錢。不遂。竟將妹年貌登冊。欲告之官。不得已。仍諾黃請矣。此貧家女。爲富翁妻。未爲不得其所。然此番作合。非由人謀。亦無我責也。伯得書。撫膺頓足。浩然長歎。復作書寄仲。痛加誚讓。書未至。而黃已委禽。且蒞婚期矣。婚之夕。亮頭眩暈者三。踉蹌不能成禮。廟見日本主先。傾倒仆地。家人咸驚異。而亮一見劉貌。心醉迷迷。然若陳思之遇宓妃於夢寐間也。逾年生一女。劉愛之甚。曰此吾掌上珍。因名珍珍。五六歲間。劉延熊耳山人。爲推五行。熊耳山人善談星。所言極驗。人爭致之。號半仙。而山人行踪詭秘。時姓趙。時姓呂。或言其初從流賊。爲賊推

成敗奇驗。既而亡命江湖。至是挾術遊虞山。劉聞以重禮延之座。抱珍于膝。坐簾內聽之。山人推之稱好者。再是能富夫貴夫。一生無蹇運。劉喜。乃以已生庚令推。山人沈吟良久。拍案大叫曰。安所得是命而給我哉。女人而坐台垣。有執政王家氣象。惜犯披麻貪狼兩煞。然福星坐照。彼兩煞特爲之用耳。鄉邨婦安得有是。必給我也。問命中有子否。曰有二。且生而卽貴。劉大喜。已而推亮。則搖首曰。苦命耳。腰纏十萬。不能享用一錢。如病膈人馨香滋味。羅列滿前。欲啖卽嘔。非苦何。問何時得子。又搖首曰。命中無之。爾時舉坐闕然。謂其言何背謬若是。而劉聞命中無子一言。

心動猶以爲已命或宜有。而亮素性鏗刻。爲無子相也。于是有母養祿產意。蓄而未露。有張媪者。乳劉者也。寡而無子。依劉以居。劉以爲心腹。私與語曰。癡老子不知何了局。年將半百。止一女。但兀兀持籌握算。度朝夕。竟不思身後倚托者爲誰。媪曰。俗有引子之說。謂先取他姓子。養爲己子。爲之兆而引之。往往如所願。是亦何不可爲者。劉領之。而向所蓄意。于是益決。時亮一切家政。皆聽命于劉。某處窖金若干。某櫃積錢若干。皆委之劉。米粟出入。契券存發。及日記冊簿。皆經劉手。劉才固敏。遇事無不咄嗟立辦。亮奉之如神明。劉櫛嘗爲捉髮。溷浴嘗爲拭體。又嘗坐劉床。

畔。爲劉剪爪。劉寢而起。爲之傳襪納履。而劉嘗備奴其夫。呼爲老牛。少不當意。輒批其頰。亮咲而受之。微曰。好言之。何怒爲。以故凡劉意所欲。無不傾聽。任指揮。一日亮從近里收債歸。見劉擁珍坐燈下。乃撥撩其耳上金環。戲曰。珍且入塾矣。而汝不復孕何也。劉叱之。正色曰。火燒頭尙作此狂態。吾適有言。欲喚醒汝。俟少間言也。乃入房。閉寢門。於枕畔。覩縷移時。次日亮夫婦早起。命庖治盛饌。邀二劉。讌會。時伯已回家五六年。足未嘗一至黃所。劉恐伯之固却也。私遣張媪致書曰。兄固愛妹。妹豈不知。但妹旣歸此家。凡此家前事。姑含忍之。兄妹自有天倫。義固無可絕也。

近城志 七
今聊具杯酒。爲戚里一申款洽。兄來則妹愈有光。否則置
顏無地矣。伯不得已。偕仲往。姑與亮相見。語間輒呼亮字。
而仲則如其所應稱。宴既畢。伯入辭。劉若爲無意也者。謂
伯曰。珍將就學。苦無伴。兄第三子金印官。來此依我。與珍
同塾可乎。伯曰。嬰孩不能離母。且徐之。仲聞遽曰。吾兒七
舍可來也。劉默未有以應。而仲卽于明日攜其子七舍至。
依劉以居。劉之爲亮謀也。意在伯之子。以其弱不好弄。且
因是爲修好地。仲則其素所心鄙。絕無撫其子意。亮見伯
落落難合。而仲突梯易籠。絡劉因七至。意大拂。而亮反愆
忠之七生而駭。性暴戾。比長與珍戲。珍怒白之劉。劉撻之。

自是宿之外舍。食不令同席。時來時去。一任其意。而七遂
與群惡少遊。無何劉字珍于直塘錢氏。籍婁東。徙于虞。富
而能仁。鄉里稱之。夫人陸好善。年五十所生一子。溫文厚
重。錢翁課子嚴。必俟入士籍。乃與婚娶。故弱冠而未聘室。
時吾虞初隸新朝。邑中作粧點太平景象。夏之五月。盛
爲競渡之會。錢氏子侍其母往觀。而鄰舫則劉與珍。兩家
通問。知爲近里眷屬。各過舫款語良久。錢母歸語翁曰。劉
固倩麗異表。耀人目艷於少艾。但少涉輕露。其女則嫻雅
淑婉也。于是錢翁遣人請爲婚。而劉亦以親見錢氏子。知
爲佳壻。遂諾之。七忽作嚮言曰。姑以珍字我。故撫我于家。

今乃背約奪我妻。別以字人。將焉置我。劉聞怒甚。邀兩兄呼七至而痛笞之。且詰之。珍字汝何據。七無辭。既而謂仲曰。七不過激我爲其娶妻耳。然直言何害。乃出此橫語。爰以百金爲七娶妻。復置莊房一所。令居之。且以已所得奩田三十畝畀之。曰。劉產仍歸劉氏。吾無取。店家毫末也。七好博。日與羣邪狎。未逾年而田產盡賣。妻無所歸。溺死。仲惡其無賴。屏弟子。寄身博場。錢氏子遊婁庠。翁謀娶婦。擇吉遣媒往。而劉不允。曰。吾女穉。隔簾且羞見人。柰何。楚楚與彼家上下相見無已。則令婿來贅。乃可。亮恐壻來而糜酒食也。又恐其久居於此。食指漸繁。而苦于供給也。且恐

其覷見我多藏。而尅損其萬一也。遂主娶。不主贅。劉愠。爲之不粒不食。服相服。坐於床。呼亮至。詈之。曰。汝知珍爲我性命。乃必取之懷中。而逼之遠去。設是心者。狗彘不食其餘。亮恐。急扶之起。好言曰。汝欲贅。則贅耳。何自苦爲。劉始下床治家事。而錢氏子得贅于黃焉。劉令張媪設臥具於珍寢所之學。凡夜間有所聞。輒報。婚之次日。早起入劉寢所。至床前耳語。劉訝曰。燈下嚴粧。獨坐。珍竟未之寢耶。何孩氣乃爾。又次日。媪復耳語如前。劉蹙眉曰。苦我兒。又次日。媪復耳語。久之。劉喜形于色。曰。伉儷固宜如是。自是以珍故。於壻特愛之甚。凡衣服之需。盤飧之奉。惟恐不獲

當意於錢致不獲當意於珍。既爾月。錢翁迎其子歸。從師課讀。劉謂珍曰。時肩錢生字未來。無寢處新室也。于是遷珍于已寢之左。令張媪作伴。時七爲敗類。苦飢寒。敝衣破帽。躡踟牆垣間。頻向劉索衣食。一日忽又至。適珍坐寢所束足。七窺之良久。珍起見之。厲其色。不交一語。七乃戲曰。珍姊向者我問爾幾時招婿。輒怒罵我。前日白面書生何人耶。珍不荅。又曰。姊夫未歸而姊獨寢。得毋寂寞。珍又不荅。而從劉于曝麥場。是夜珍就寢。聞床下簌簌有聲。急呼有賊。亮持挺至。見賊之足于床下。痛擊其脛。賊大號。視之則七也。劉忿極。引剪刀。搦其股。血流盈地。亮縛其手足。閉之。

室。劉擁珍曰。驚我兒。珍泣。劉亦泣。天明珍起。失其小履。劉于七懷中搜得之。撻之無算。須臾仲至。欲投之河。劉縱之歸家。仲乃銀鐙。困之。仲之妻有舐犢愛。復陰脫之。而七仍與諸惡少爲伍。且聚謀欲甘心于劉。有日矣。時亮已六十有餘。嗜利益甚。見奴婢。慮其坐食。乃多畜雞豕。每奴委豕幾口。婢雞幾隻。日課其利。彘子若干。售錢若干。緡雞蛋若干。售錢若干。緡凡諸自奉益。加裁損。但菽乳一方。日爲常味而已。歲丁亥十月。亮早起。手持一簿。欲劉登記。蓋隔宵曾與鄉民權子母錢。斷斷爭之不已。如其欲乃已。至是早起。欲登諸簿。及寢門。急仆地不起。劉驚。急與珍扶至寢。

處手若有所指而口不能言其處須臾形神離矣亮死鄉里中無一弔唁者

過墟志卷下

亮死。劉于倉卒悲哀之時。瞥見七突入總帳中。憑棺呼爹。似爲號泣狀。旣而呼劉曰。娘取斬衰來。劉心知其意。遽作色曰。死者無子。安用斬衰。七曰。吾固子也。劉乃厲聲曰。死者姓黃。汝乃姓劉。何涉。七曰。幼撫我。長授我室。兼畀房屋。獨忘之乎。劉曰。如是則待汝不薄矣。汝復欲何爲。七曰。欲分遺貲耳。劉曰。有之。今分汝。乃令僕婦中之有力者。捽而扶之。七卧地輾轉號呼。口出惡言。劉愈忿。取白杵痛擊之。

曰。此吾初次分汝貲也。七不勝楚。負痛而走。大呼曰。吾必有以報吾仇。劉于是有戒心。呼童僕至前。各給鉦一具。戒之曰。每暮夜分布四野。伺有所聞。輒相應。未幾果有盜四人。自簷而下。劉急令媪啓小門。於宅後鳴鉦。四墅鉦聲齊起。而盜驚逸。家人咸相慶。劉曰。未也。更備之。乃坎室側之。行道轉處爲阱。穴其壁數處。貯石灰於裏間。而以風車承其後。越數日。盜十餘人。艤舟于宅後之水門。夜半潛入圍牆中。始各執炬。斬後垣門而入。將近內寢。前導者遇坎而陷。餘盜方倉皇失措。俄間壁穴中石灰亂颺。目不能開。乃各棄械而竄。視陷阱者則七也。墨其面。率惡黨劫姑家。劉

曰。吾固知此獸所爲。俟其父至共鳴之官耳。珍諫母曰。事大罪非輕。恐傷舅氏心。縱之若何。劉乃縱之逃。自是里中二十餘日。不見七踪影。劉連被七驚。慮七相仇不已。心常悶悶。百計沈思。忽言吾且安死者。乃葬亮于泖湖之祖塋。虞祭畢。謂其壻錢生曰。此處不可居。吾欲倚汝終身矣。于是先舉什器之粗重者。備二百餘人。運至直塘五日始盡。先遣珍歸。手持一冊付珍曰。凡汝房內箱櫃。是汝故物。今汝隨身攜挈未開冊。此冊所開列者。白米百二十囊。黃米二百囊。每囊元寶二。又大衣箱十餘隻。每箱衣服貯銀若干。中衣箱十餘隻。每箱衣服下貯銀若干。櫃二十有七。貯

錢皆滿。中有某某字號者亦銀也。以上諸件。皆緊要列諸冊。我發汝收。悉收漏此冊可無疏。至四日而銀錢衣服等物亦已連盡。劉乃殺雞宰豕。遍召鄉里貧農。得二百餘人。飫以酒肉。呼至前。舉其積年債券。盡爲燒之。曰。吾欲爲死者資冥福也。衆大喜。復開倉廩。人給米二斗。麥半之。棉花五斤。菽五升。衆益大喜。不覺羅拜。皆曰。黃母施恩於我等。并爲窮人折券。向償債。凡經渠手。每不苛刻。今復行此大度事。將何以報。劉曰。吾非望報。欲煩爾等者。有米二千餘石。能爲我運至直塘。醇酒肥肉。儘汝飽酌也。衆皆如命。經四日而運畢。時值歲飢。鄉間富家囤米者。往往爲窮民攘

奪劉反用窮民力。竟無攘者。凡黃三世蓄積。不下數十萬。一朝盡輸他姓。造物變置之機。亦巧矣哉。已而錢生來邀劉至其居。行有日矣。視歷乃不宜遷徙。遲三日乃吉。越兩日夜半而難作。李總戎成棟者。於宏光時降。新朝所過城邑。輒爲殘破。掠婦女十餘艘。過嘉定。鄉民焚其艘。婦女死者過半。及羅店鎮。誓必掠取吳中美姝以償。繼破松江。擇大宅多畜姬妾。於其中而居之。旋奉命征粵。時永歷方僭號粵中則囑其弟奉母居守。而令心腹將帥。旗兵千人保松江。實爲室家計也。七之黨有爲守將標下。訊卒者。當七爲盜而逃。卽走之松江。謂汎卒曰。得營兵百人。銀錢米粟。可捆載

而至。卒曰。此險道。不若首之主將。儻重獲。則爾有功。非得官。卽邀厚賞耳。七撫掌大喜曰。吾將得官。于是首之主將。謂劉擁資百萬。如乳虎噬人。一鄉恨入骨髓。得大軍除民害。取百萬資。充軍餉。計甚便。守將以爲然。乃合偏裨某帥千人。由劉河經崑山。至七浦塘而進。時劉方封鎖樓房。誠居守者。碌碌竟日。至夜復與張媪整頓細事。素服淡粧。坐而待旦。爲起行之計。俄而門外炮聲轟天。牆戶傾塌。旗兵千人一擁而入。啓其廩廩空。啓其窖窖空。搜其箱櫃衣服什器等。無一存者。裨將恚甚。見七與數人擁劉至。方欲責問。而于炬光中望見劉貌。注視良久。忽曰。賴有此。不然何

以復旗主。遂擄劉而去。張媪從之。是時旗兵千人。勞而無獲。各忿忿。不待將命。亂刀刺七身。乃縱火焚黃居。廳亭樓房。及倉庾厨庫。頃刻悉遭一炬。眾乃投七于烈焰中。掠近村數十家。稍取貲糧而歸。珍聞變。驚絕。號泣無晝夜。時已舉子乳。沖錢翁患之。乃令子往松探問。以慰其念母心。至松。則成棟親屬被收。凡所掠婦女。皆歸旂。安置會城。南錢生歸。邀劉仲偕往江寧。至都統署。見有遵奉令條。開一應逆棟所擄婦女。俱許親人領回。等諭。錢劉皆大喜。急欲入告。而未有路。適有武弁自署出。錢揖而問。令條內語果信否。弁曰。昨已領回三人矣。錢遂告以情。弁曰。汝音似吳人。

我亦吳人。而投旂者。同鄉之誼。敢不實告。乃攜錢手。至無人處。語之曰。王爺令條內。固云爾。但黑都統司此事者。非阿堵兒。不可。錢生云。所欲幾何。弁曰。視婦女之年貌。為多寡。極美而年少者。一百金。錢生曰。適不及持來。奈何。弁曰。速歸取。五六日事可成也。錢遂偕仲歸。取贖錢。珍罄已所蓄。令生偕仲復往。囑生曰。誠得吾母歸。雖千計萬計。無虞缺也。于是持千金復至會城。尋向所識武弁而告。以物色已具。復許事成。酌金五十。弁喜。謂錢生曰。取年貌籍貫來。又云。署內有掌家婆二太者。照管諸婦女。每百兩。例子十金。否者必畱難勒措。錢生曰。無不如命。弁即取劉之年貌。

籍貫入署。付二太查驗。遲久而出。亟搖手謂錢劉二人曰。無其人奈何。錢生皇遽曰。某月某日某將至某鄉擄去。生親蒞松訪確。知某將獻入李總戎宅內。何乃無之。弁曰。吾豈惡孔方而過給爾者。適據二太回報。實于三百餘婦女中。遍詢之。竟無有。爾得無誤耶。錢泣謂仲曰。甥壻此番歸去。女甥必死。女甥死。甥壻誓不獨生。乃大哭。仲謂錢生曰。哭無益也。不若仍求是人。或知一果否確據。錢生於是前執弁裾泣曰。祈台臺示一果否確據。當有以報。遂舉所許五十金子之。弁躊躇良久。計無所出。忽然曰。得之矣。乃疾趨而入。頃之袖一冊至。謂二人曰。此果否確據也。非我不

能取出。然幸爲我秘之。無洩之他人。我頭尙思啖飯幾年也。錢劉急揭冊細閱。至末頁。則果有黃劉氏及張媪二名。而朱圈標其上。注于傍云。選入王府。弁曰。何如此間果無有。吾不爾誑也。錢泣不知所爲。劉仲曰。事無可奈何。且歸。于是返虞。不數日而劉書至。先是劉被擄至松入李宅。李之母見而悅之。曰。若固名家女耶。何妍麗至是。盍母事我。依我寢處。行將送汝還故鄉耳。未幾成棟以粵東叛。降永歷母與弟皆械送京。姬妾等俱聽本旂發遣。悉置之南京。劉亦入籍中。爲黑都統承管。關內署後馬廐傍空地居之。婦女三百餘。羣聚蓆棚。幾于露處。又馬尿薰人。不能刻居。皆

號泣不欲生。越一日夜而滿州太太來矣。滿州太太者。王府中總管老媪也。年七十餘。髮白顏頰。髻圓而扁。髻簪花。衣履皆男子式。善漢語。滑稽多智。至則都統皆跪迎。其管家婆二太者。叩首鞠躬。導引至蓆棚中。遍望作漢語曰。諸姊妹無恐。我來作降福符官也。不知誰是有福者。乃側身入婦女隊。擇當意者。披其裾而行。得三十餘人。令至別所。各擺列于前。上下睨視久之。乃指而別曰。彼太長。此略短。而三十人中。復去其半。留十餘人。令至前。諦視其髮及手掌臂指。復隔衣捫其乳。則又去七。僅存者五。乃令五婦列坐。茶。殷勤問訊。而細審其音。俟其答語。則耳屬之中。

有一婦女音微窳。音與惡也復去之。旋起立。語四婦曰。無動。且安坐。吾欲一觀履式耳。乃揭其裙。以兩指量其履。戲語曰。無乃唐突。然不爾。則不見真才。僅得四人。而劉與焉。滿媪向劉作滿語。塞楞塞楞者。再四。塞楞者言最好也。復漢語謂四人曰。有侍婢乎。任隨爾行。回顧二太滿語曰。雅海沁兀律罕。言渠婢令隨去可也。俄擁四婦登輿。至王府。劉持張媪痛哭曰。入此間。萬無與珍相。見日期。吾命亦休矣。媪亦相抱而泣。至暮。王宴。命四婦侍酒。滿媪誠四婦曰。至前。前各叩首俯伏。命汝等起。乃起。慎毋哭泣。致王怒。以取鞭朴。已而三婦皆如所誠。膝行匍匐。叩首畢。伏地不起。屏息。

莫敢作聲。劉則冉冉而來，倚柱而立。向左壁側，其面目不
盼，燈下額光煜煜射人，目泪睫暈微紅，倍添嬌艷。王異之
問何籍，劉不應。問年幾，何不應。問有夫否，又不應。忽自號
泣曰：我民間寡婦，被韃兵虜，以戀戀於一女，故不遠死。今
至此，已與吾女永隔。尚安用生為？盍速殺我。我良家女，決
不肯為奴婢。乃撞其首於柱。滿姬卽抱持，且踊且號，鬢髻
為解，髮委地。丈餘王見而益異之，遂有憐愛心。諭滿姬曰：
善護持，無令悲損。姬為巧言百端，引劉入已寢，以安之。朝
夕進葷，凡果餌粥糜熬黍稠，登几案間。而劉勺粒不入口，
坐卧惟泣。張媪憂甚，私語滿姬曰：劉痛念其女，故悲毀。至

伯兄之言，乃劉二所為。四十金不獲如願，乃更欲賣我于
旂下為婢妾乎？令張媪火之，居無何，忽喇氏薨于京邸。訃
至，為位于中堂。凡本旂寵婦女，皆得臨哭。其在外者，穿素
衣而已。蓋國制也。滿姬語張媪曰：王妃薨，凡在府中婦女
哭，臨日三至。宜凜遵無違。媪以告劉，劉曰：吾固啖此間飯
者，敢違此間大典，乃葛髻編衣練裙素履而出。素艷幽姿，
見者無不神魂飛越。王忽于中霤遇之，遽問曰：此婦得非
髮長委地者耶？為目送久之。密語滿姬曰：此婦骨格不凡，
可善視之。無使與羣婢伍。自是滿姬見劉輒跪叩，聽使令。
惟恐不當其意。未幾，王使雜沓而至，漢粧衣服一箱。滿粧

衣服一箱。嫗跪而進曰。王爺賜也。劉弗視。旋又賜葎十斤。東珠百顆。滿嫗跪而進曰。王爺賜也。劉又弗視。旋又賜首飾一篋。宮扇二把手。帕二條。荷包四副。銀錠金錠各一盤。滿嫗羅列案前。又跪而告曰。皆王爺賜。劉又弗視。嫗乃曰。王賜宜面叩申謝。劉忽倒卧于床不起。是夜王命劉侍寢。劉乃大號且泣曰。果也。欲婢妾畜我。我難婦耳。生長良家。豈有罪而輸爲城旦者。任彼朝朝暮暮邪。王聞乃已。滿嫗私問張媪曰。劉自入府以來。王待以殊禮。凡饋食沃盥等事。俱不令承應。又賞給稠疊。實爲非常異數。王之用意不爲不厚。今忽喇氏薨尙無子。羣婢中絕無寵幸者。而獨注

將發捷足。限兩日夜到虞。兩日夜返省。珍接書泣曰。不意今日始見慈親手書。錢生讀竟泣曰。何愛女情切也。回顧珍曰。事已至此。臨大義則妻不得二其夫。論至情則女不得死其母。此際殊難措詞。汝回書須斟酌出之。而劉仲適至。仲展書玩之。再四忽蹙眉曰。汝母執拘不顧利害。王非他。乃當今王爺也。入關時爲從龍第一功臣。至江南降宏光。平兩浙。貴戚而功高。威重莫比。乃欲唾面撞胸。徒以性命。剿虎牙。萬一激發雷霆。吾與若俱無噍類。事已無可奈何。回書宜勸之。婉從。珍曰。女無勸母失節之理。第本心則不欲其死。餘非所知。乃作書始慰以無恙。後云母生則兒

亦生。母死則兒亦死。情殊戀慕。而無激勸語。錢生寓書于劉。則以曹大家勉慰。亦兩無所得。而仲則私自爲書。不令錢生夫婦知。書中盛言王厚恩。選其寒微。不遺荆布。又云妹固女中智士。匹婦小諒。宜所不爲。又云當思熊耳山人言。此番作合。或妹命中宜膺奇福。末則告以房屋皆燬。縱使全節而歸。栖身何所。女婿外人。終難倚托。何如自發根枝。使我兩兄亦叨庇蔭。乃署伯名于書尾而已。附之。先是劉知王爲發書。心感爲葷飲糜粥。及回書至。亟開函。知珍無恙。不覺色喜。已而細味錢夫婦書中立言微意。又不覺泫泫淚下。繼閱兩兄書。沈思久之。則又怒形於色。曰非出

此前在松江傳聞李兵歸復掠直塘一帶。今及三旬。而女之存亡音耗寂寂。計得一當通問於其女以慰其心。或可少進飲食。滿姬然之。爲啓王。王曰。速令寫書。可遣疾足往。滿姬告劉。劉霽顏曰。汝累日所言。吾俱不欲聞。惟此言差強人意。乃作書寄珍曰。我生不辰。叠罹險難。向日送汝河干。竟各天長。別痛何可言。自七獸肆毒。擄我往松。幸叨假母慈覆。寢食相依。且許送我歸虞。令我母子完聚。不期望名眷籍。候遣省中。忽又送入掖廷。廁身窮袴。竟如墜崖之人。不能奮飛。嗟乎珍兒。汝母至此。尙能隱忍求活哉。所以苟延殘喘。累遭窘折而不死者。嘗與張媪言。汝是我一點

進城志
血脉若不相聞問而泯泯以死使汝抱無涯之戚也前在
松江驚聞直塘一帶村落盡被兵燹想七獸未遂所欲故
又發縱指使以勢而揣汝家亦爲破巢之卵然究竟是眞
是假尙不免將信將疑今吾書至而汝有手書來則吾知
汝之幸不死于七獸也吾書至而汝若無手書來則吾知
汝之不幸而竟死於七獸也其生其死決於片楮專睇歸
鴻慰我愁思若夫熒熒嫠婦給事掖庭凡所自計皆所素
審彼若辱我下陳使以鞭箠非口唾其面卽頭撞其胷雖
粉吾骨不辭也吾秉性高抗不肯下人拚卻一死彼且奈
何我珍兒珍兒無爲慮云云劉緘書付滿姬姬啓王命標

意于劉此大福將至時也而必自多齟齬何耶如以孀婦
自嫌我旂下夫死輒嫁以廣丁男向著爲令何嫌之有媼
曰彼性高抗在家喜南面坐凡諸婢僕皆屏息聽指揮一
旦欲卑躬屈膝于王前宜其寧死不願也滿姬微會意越
數日王賜劉金鳳冠一品命服媼語劉曰蒙尊禮至此宜
若可從天生爾貌決不令汝落莫以終也劉不言而手受
其冠服滿姬從屏隙中窺之知其意轉乃遍張燈懸綵鼓
樂令劉聞之乘間更至劉前附言曰朝廷有定例凡正室
不孕側室有子者許奏聞冊立爲妃今之服止一品夫人
服耳後且更有貴于此者至夜王以
御賜蠟炬導劉

入寢。劉呼滿嫗曰：獨忘拜謝。天恩乎？王乃命移炬至中堂。中立。劉立王後而居左側。齊行九叩禮。至王寢室。劉卸金鳳冠。易命服。向王三拜三叩而起。王喜其知大體。有淑嬪風範。是夜劉遂待寢。次日王悅甚。賞滿嫗錢六十緡。嫗率府中男婦三百餘人至劉前。叩首稱賀。劉乃出白金四百兩。第其等而輕重犒之。闔府中皆大悅。王命陳劉二監聽劉使令。二監者先朝內臣。年皆七十餘。劉乃作書命二監往虞寄珍曰：汝母命衰。失身叱利孽。非自作。叫天何辜。我生平不作短氣語。今且欲出諸口。不勝忸怩。而不得不爲汝言之者。母子本是一體。又汝是黃氏一脉。責無可

辭。故爲汝聊白吾意。汝父生前實未嘗與我有一語忤。夫婦之私有逾常格。無言息媿。不禁懷舊而暗自傷心。餒矣。若敖諒亦賚恨而難于瞑目。今爲之計。莫如訪立本宗爲嗣。分受萬金。綿其血食。一以盡生者之心。一以安死者之魄。善體吾衷。是誠望汝。又二監乃先朝內臣歸旂者。須加禮款待。別時將我所存元寶二錠。贖之。亦使此輩知汝非寒儉家兒也。東珠十顆。可爲甥兒帽飾。京樣手鐲一副。欲汝佩之。如見汝母耳。兩舅氏暨夫婿。余情耿耿。不及細訴。非不欲訴。言之醜也。呼嗟珍兒。而今而後。吾不能依汝以居矣。夫復何言。二監奉書。錢生已偕二劉先啓行來江甯。

矣。時王以浙西民叛奉命往撫。劉見三人至，不交一語。但兩手捉壻臂，目視兩兄而泣。劉仲曰：「今骨肉相聚，亦大幸事。妹縱有苦情，可徐述且無悲。」既而滿姬奉茶至，皆跪而進。稱二劉曰：「舅爺。」錢曰：「姑爺。」始知劉已爲蔡文姬矣。遂不問入王府後事。珍奉母冬夏衣各十襲，小菜十瓶，客點廿種，炙雞糟鴨等物數盒，皆手交內監。挈至，二監備言珍款待加禮，贖贈多金，遍告同列。同列爲之嘖嘖贊揚。劉乃大悅。方劉伯之將至也，于其妹改節事，尙在疑信間。乃私問之。仲曰：「妹已處於王宮，又何疑？」伯大恚，作書罵妹，付仲轉達。拂衣先歸。仲接書曰：「腐儒語何可令妹見。」遂火之。

既而錢告歸，劉私語之曰：「吾欲爲汝圖功名，但旂主英察汝且勿復見我。我此後在南在北，尙未可知。爲語珍音書，弗絕可也。」仲盤桓府中，獨無旋里想，遂與劉監結爲同宗，而共處于值房。未幾王歸自浙，仲乃謁見，問劉汝兄才乎。對曰：「小有才，乃命仲辦理薪水事，居無何。」內召還京師。至濟寧，而劉病氣逆，登輿輒嘔。王乃駐行旌，檄中丞遍召良醫治，病皆云水土不調，宜用下利之劑，以瀉其溼。劉視方皆碎而焚之，謾罵曰：「蠻牛。」王不解何意，似斃然。劉強起，攤被坐，牽王袖令坐於所臥榻，手撫王背，附耳而告曰：「吾病是妬耳，乃欲以下利殺我耶。」王聞喜慰之，至如錦之添。

花也。越數日劉體漸安。乃就道抵京。陛見。皇帝問

年四十何尚無子。王對臣在江南得本旂婦劉已有身。

上喜曰。男也。則亟告宗人府以聞。未幾劉果生男。

上聞之。賜人蓑百斤。皇太后復賜洗兒錢百萬。乃

遵例上請册立劉氏為妃。劉以失節婦。貴在。皇后之

下。一品夫人之上。乃傾側摧挫于難婦官婢中而得之。噫

奇矣。皇太后萬壽節。劉以王例得率夫金等。鎮國奉國

將軍妻俱稱夫金入宮慶賀。皇太后見劉。即問曰。聞某王

妻艷極。此其是乎。年幾何矣。劉以三十有五對。太

后曰。不減少女容也。又問何籍及進身由。劉具以實對。

太后悅之。慶賀畢。目逆而送之。曰。不意民間乃有此

尤物。翌日賜客食果品。官扇兩柄。艾虎等。以獎異之。是時

朝廷重科場。秋闈屆期。命王監國學官錄科。試牘呈邸

內官。送至劉所。劉偶閱姓氏。則其婿錢生與焉。蓋錢固以

拔萃生入京肄業者。守劉前所誠。絕不入見。劉乃視其籍

貫。校其筆跡。皆無訛。及侍王寢。語之曰。日間國子監各官

呈諸生錄科卷中。有錢某名沈莖者。乃吾婿也。王默然。是

科錢果以經魁獲雋。明年錢試禮部中乙榜。未幾膺部曹

之選。皆劉隱成之也。一日錢以公事詣王第。王命各官皆

退。獨召錢進見。謂錢曰。若欲更見一人乎。遂延之入內。令

劉出見則已滿粧矣。黃錦袍銀鼠套蒙首以紫貂珠珥盈頭。如明星燦爛於髮鬢間。易屨以靴。纖窄如凌波微步。見錢至。喜形於色。曰。吾思珍久矣。近爲置宅一所欲。令汝告假歸。挈妻孥至京居之。又仲兄患消渴。恐不測。汝可偕之還鄉。于是偕仲歸。途中途死。錢護其喪歸殯之。而挈珍來京師。劉見珍相抱而泣。已而歡樂如初。或過珍寓。則又漢粧坐魚軒。女從百餘人。圍以步障而行。至則猶爲珍處置家事。年四十餘。尙有少容。凡一花一服。着其體輒倍增妍。復姪生一子。常倦寢。夢處故居。簿書契券堆積案間。宛然黃氏盛時。覺而于心戚戚。適錢來侯起居。爰問曰。吾前與

珍書。囑其訪黃氏本宗。立爲後嗣。今得其人否。錢曰。黃自塘市遷任陽。三世單傳。別無支派。又其先自虞而崑。復自崑而虞。統系皆無考。吾前遍訪故老。顯示求後意。竟無出而應者。劉歎曰。吾欲延彼一綫。如此奈何。乃出百金。遣紀綱僕至。泖湖爲黃氏修墓。且置墓田。爲歲祀計。令兩僕守塚。至則墓木已刊。一望皆原隰。黃氏兆域無由別識。或云去年爲開濬者。挖其墓兆域爲河身矣。乃坏土爲三封。而還。時珍舉三子。劉語之曰。次甥可姓黃。爲黃氏後。俟其長。可於黃故居遺址營第。使奉汝祖父祀。珍諾不二年。而次子死。乃命其季。季又殤。而黃氏遂絕。